

12 JUN 1999

MAHATHIR DAN ABDULLAH BERI AMANAT KEPADA PESERTA KURSUS PEMUDA UMNO

KULIM, 12 Jun (Bernama) -- Datuk Seri Dr Mahathir Mohamad hari ini memberi amanat khas kepada kira-kira 100 anggota Pergerakan Pemuda Umno yang menyertai kursus di Kem Bina Negara di sini.

Perjumpaan dengan Perdana Menteri dan Presiden Umno itu diadakan secara tertutup petang ini.

Kursus yang dinamakan bina negara penggerak masyarakat itu bermula semalam dan dijangka berakhir esok.

Sementara itu Timbalan Perdana Menteri Datuk Seri Abdullah Ahmad Badawi menyampaikan amanat khas kepada peserta kursus bina negara di Kem Biro Tata Negara, Balik Pulau hari ini.

Seramai 200 anggota Pemuda Umno menyertai kursus tu.

Pada Khamis lepas, Pemuda Umno melancarkan perhimpunan raksasa pergerakan itu di Kuala Lumpur.

Pada majlis tertutup itu, Perdana Menteri telah menyampaikan amanat kepada 1,993 pemimpin Pemuda dari seluruh negara.

-- BERNAMA

AHM AA RON